

通判錢鶴年重修

中國書局發行



漢陰廳志

本齋藏板

重修漢陰廳志序

序

漢陰古安陽肇於前漢治凡三  
遷始於頭繼社溪終乃奠居於  
新店其在教頭者僅見於水經  
柳注在社溪者惟續行香院殘  
碑及新店出遷始著於志當時



一

城築營建之規畫卒莫可效卽  
司其役者亦莫能觀劉之今出  
外前之期始後出定屆軒姓氏  
亦逸出况奉慶千餘固於斯者  
應不之賢而細羅文冊搜剔金  
石藻晉僕得毛魏部正六朝逮

宋以名貝者寸十餘人亦莫詳  
其政績也至於人物惟李氏自  
齊梁至唐史皆言傳此外則莊  
記丈人鄉傳孝儒百蓋卓行淑  
媛出京傳者更多矣夫豈非以  
紀載無人致泯沒終古耶漢陰

序

二

出志始於前明成化張令大綸  
逮萬厯袁令一翰崇正張令錫  
鷄至

本

朝康熙初趙令世震乾隆中郝  
令敬修和繼修輯其於近事頗  
詳惟是州創時徵書不多錄史

每形挂漏數典不無抵牾闕者  
以爲美猶言憾焉自郝君至今  
又四十餘年矣縣改爲廳已非  
舊制卽余受事十餘年中城築  
有工堡寨膏設  
祀典新增書院義學廼建兵燹以

來所搜揚忠義孝友出士民節  
烈出婦女祭於

命祀著於

旌表者且更僕難數也倘復翰筆

將後出視今猶今之視昔余深  
懼焉健菴葉觀察前守興日

久屢為余言值朱撫憲方  
漸憲過境亦諭及出追後介  
堂胡太守蒞興暨各憲咸以  
表傳忠節激勵士民為要務焉  
因亟謀出詹舊共事編摩訂補  
舊章備徵近事再閱寒暑排纂

成書持識其緣起如此至若助  
賑平糶之升斗施粥推衣出數  
目鉅細備詳誠不免攷稽鹽米  
出陋笑興仁興讓良於事實竊  
謂於王制之陳詩納賈周禮小  
弁心上康樂龢親安平出書似

國  
有合焉後出覽者幸勿謂其瑣  
屑而力為推行其於  
家代民成俗出治或不兼小補  
云嘗  
嘉慶二十有三年歲次戊寅稔  
七月上浣出吉

漢陰撫民通判 茗溪 錢鶴 李梅  
汪氏 謹 立 書



舊序

舊叙一

明成化庚子知縣張大綸

鄧養田

邑有志猶家有譜也志為一邑之典籍譜為一家之典籍家無譜則上而祖禰遠而高曾俱無所考其潛德幽光流風遺韻子姓雲仍何由而知家且然而況於國乎漢陰為邑江漢效靈鳳山呈秀毓為人物可考而知者如古之丈人抱德弗耀而高出世表者固眾第以典籍不存而名實泯於後者亦多矣至今江山如昨風氣日開而又當我

卷之三 舊序

一

聖朝文明之運教化薰蒸之久岩穴衡茅之間宜其賢才挺生偉人迭出何寥寥百年科第之乏人何歟管子謂子賤君子哉若人魯無君子者斯焉取斯詩曰高山仰止景行行止子曰夏禮吾能言之杞不足徵也又曰文獻不足故也足則吾能徵之矣是知人才之興盛固在山川鍾秀氣運隆盛使文獻不存則後人何以挹幽香企遺躅而興起百世之下乎文獻不存為風化之所關係者豈細故哉因留心采輯博訪有年以今日可知可考者編輯成志用備一邑之典

籍其用心亦大矣漢陰古邑也山川如彼其高深歷世如彼其久遠矧時際熙洽而氣運隆矣邑志既成而典籍備矣為今之人莫不感動奮發興起善端由友一鄉一國天下之善士而又尚友古人思齊往哲將見忠臣烈士孝子順孫義夫節婦建事業於當時播聲光於後世皆願收名是志者殆不絕書矣尚何慮科第之乏人乎然則是志之成有俾於風化多矣較之家有譜而有所法於後不亦重且大乎

舊叙二

明萬歷十年知縣袁一翰

卷之首 舊序

二

天朝寰宇志名一統則畧而郡縣衙所亦各有志則詳蓋先王出入參贊進退表裏之盛節也故夏先禹貢周重職方良有以焉漢陰列府城東州城西以龍山為骨以月水為脈誠哉巴蜀之襟喉荆襄之鎖鑰也甲申春余奉

簡命叨令是邑問其志余曰成都張公大綸創於成化庚子厥功偉矣顧歲改政易散落無倫孔云禮樂慨宋杞之難徵孟考爵祿嘆與載之已熄志也其急務也已簡案牘又得督學成公檄羣縣纂輯地志即詢

諸邑論胡子叔寯邑訓蕭子音暨諸髦士曰有是哉  
且嘗見家有譜矧百乘之邑乎過暇日集眾廣思既  
而獲邑大夫得公訓舊筆及凡屋壁山巖斷碑殘碣  
詳加考訂越明年秋稿始脫揭其綱凡六計其目凡  
四十有奇始於疆域終於藝文其建置田賦官師人  
物咸在目中視之往帙頗有增衍之永世不無漏  
逸云意江山猶故今古如昨志者記其事而已圖者  
陳其迹而已若風俗之淳漓係於好尚人才之盛衰  
關於鼓舞錢穀之盈縮原於賦役捍衛之強弱基於

卷之首 舊序

三

閱練是皆長民者之責也夫

舊叙三

明萬歷十年  
二年教諭 胡叔寯

乙酉秋邑侯袁先生新志成屬余申告簡末余維

聖志在春秋春秋其志之祖乎先生具良史之才明春  
秋之義甫下車慨然以志自任始而命諸採輯者曰  
辭不欲麗華盛則實衰即霞燦星輝奚貴哉既而命  
諸簡閱者佐書者鈔梓者曰訂證討論類符節不則  
弊流豕亥矣運筆以心意在筆先楷書古勁明詭與  
歌予所不樂器欲利利則文深而顯俾觀者不厭且

垂之永世不磨以故羣藝効力侯取而弼斷之厥志  
聿成矣乃知侯之志在經緯兩儀也包羅萬象也貫  
徹三才也範圍百代也其起敝維風之績仰續乎麟  
經之旨豈役志案牘者可同日語哉按侯性洪毅端  
雅崇儉約尚誠確曲梁名世登庚午鄉書視視篆才  
逾週徽政更僕無以盡即今士鼓絃誦農力稼穡百  
工技藝不作淫巧山川草木頓有生色者觀之休徵  
其明驗也說者謂伯兄存菴公徃歲奉

命分守茲土凡所規畫悉中機宜迄今關南人士喁喁

卷之首

舊序

四

然思之不置侯其淵源有自矣茲志也特政之梗概  
也察錢

國史惟此其肇造也語曰世美難濟兼才難得侯其濟  
焉其得焉後之繼侯而臨蒞域土者一披閱之因革  
損益如指諸掌侯之立言其仁人之言哉其仁人之  
言哉

舊叙四

明萬歷戊戌  
午關南道吳愈

余不穀奉

簡書守漢以南竊儀茲土虞風未鑿召澤未稿捐措迂

叟猶有抱甕而愁蔽芾之殘蔭也者庶得藉手以報  
命豈聞許守與乘再開張令漢東因嘆四塞西南興屬  
腹心漢屬枝幹腹王幹不張乎幹姜腹不憊乎調俞  
跗之方砭危流醒迷郵豈異人任且漢治通蜀楚年  
來陽侯作崇荏苒肆螫赤子方嗷嗷待哺而催檄旁  
午復業未黔突而箕歛盈閭勸撫未成筭而搖鋒者  
巧肆雌黃即龔黃卓魯能鳴琴理解繩治閑閣撤垣  
以示無他耶張令邑志之新微徒補闕漏訂魚豕踵  
南史勒一家言其有苦心乎冀當軸者憐爾了遺原

卷之五 舊序

五

爾拙政以庶幾晉陽之保障乎余卒業欣然曰嗟爾  
令余何以益爾念生平得力惟拙之一字拙之盟衷  
自畫粥已然故拙宰河東晉民享拙守版曹同

朝和拙督會計軍民哉今仍以拙仗節撫關南與二三  
守令從事倘亦諒余拙乎拙者巧之反也當今之所  
迂而平旦之所安神明之所許也張令勉旃以爾拙  
補守之拙守令效余拙補余之拙利鈍譽讐一切不  
問惟祈上不負

國下不負民中不負所學而成就天地間一大拙關南

其有濟溥古或可挽哉是義也余志也壽華之所不及載郡邑之所不及修者嗟爾令奈何以益爾

卷叙五

明萬歷戊午  
菊月知縣張啟蒙

考一邑有志一邑史也乃撰國者雪其私表年者閏為正董狐用耻奚以志為漢志之新明愚不幸而幸云蠅蠹歲現荒城膏浚詎曰幸

建牙覆露郡伯指迷詎曰不幸是愚之遭也竊謂漢乘缺漏相仍令將焉諉是用博徵文獻臥思之弗憚於詞冀貽千秋不朽夫志不一體維風沛澤其大凡

卷之首 舊序

六

也乃倣

郡伯許公興乘為漢乘步其後塵若不計匍匐歸者志中因草難縷指其窳會頗有關者補版而戶口登減賦而物力裕江梁成而眾母無勞與渡流移撫而歸鴻咸詠澤中向離之門改而風氣通矣文昌之宮移而奎光燦矣尊經敬一兩修襲化蜀之遺意乎魁樓圖書雙飭竟崇文之素志乎築河堤以衛城郭創蜡廟以報歲功凡此胥捐愚楮爰用羣力然予擬也而實因前令袁公之開予先也文遜於袁而臆懇為

民一念或可質先正無媿閱蕪陋者倘不文過督而  
心之取乎嗟夫紙上筌蹄與畏壘河陽何關焉第若  
心必有藉以形是集也不罄于衷亦足寄于衷耳遊  
刃者無全牛愚刃未發於刃而妄冀禾之瑞虎之北  
枳之化是猶損生屋以造漢愚也愚而幸窺起替之  
一斑則

建牙吳公郡伯許公寬其辜而發其覆乎愚之盟心  
也豫肩之毅而精之竭媿是師而誓是戒或可勝厥  
任而不負任崇氏之箴砭哉是舉也諸執事悉傾其

卷之首

舊序

七

儲而襄厥成例得並書於簡

舊叙六

明萬歷戊午  
教諭 柏可用

古者國各有史秦漢以來駸變而為志志固史之遺  
哉漢陰隸秦服業不乏志顧簡處病於輕擲詳處病  
於濫陳甚者豕亥承訛芳穢襲謬胡以備採擇垂勸  
懲彰風化而翊贊盛治乎今邑大夫張公宰漢五襮  
百令犁然振舉而規制鼎新人文丕變治行已甲海  
內矣第不窮之思尤謂遷史精在八書班書約在十  
志當吾世而令邑志爾爾後之人不幾披閱起恨也

耶於是開館局宥鄉先生暨弟子員銳意纂修廣咨  
詢顯庠佩搜述羅清蠹振湮歷燠寒天且媿媿志倦  
彙輯成編為卷若干為類若干既錄授余跋其後余  
捧讀之再四嘆曰涓滴匪藉胡城江河瓦礫不汰曷  
顯金玉茲志也疑信是非雖資眾見而獨斷決之鴻  
裁義類凡例雖倣羣書而潤色出自元猷簡而核詳  
而有體彬彬乎一方實錄哉是真可以備採擇垂勸  
懲彰風化而翊贊盛治於不朽矣如第曰紀山川地  
利以知要害猶其後者耳

卷之首

舊序

八

舊叙七

明崇正壬午  
夏月知縣 張鵬翔

余於乙亥年佐淮陽郡丁丑九月署篆西華接邸報  
叨轉漢陰令戊寅春束裝就道親友有謂余者傳聞  
邑已殘破此行亦何迫耶余曰臣子縮半通綸東西  
南北惟所使之况授以百里地值多故之時畏此

簡書乃決意叱馭歷太行之峻坂濟黃河之洪濤經華  
岳之名山越終南之險境羊腸鳥道百折千迴捨陸  
登舟備嘗艱阻乃抵關南及蒞任環城四望公署民  
房較舊日基址堊存十分之一瓦礫蓬蒿痛心慘目

士民寓山中者驚魂未復累足難前及與銓部王公  
晤談時即以耐煩二字相勸慰曾未幾十日忽報寇  
從西來余誓以必守王公復勸慰曰城中無人民城  
頭無墻堞既無倉庫錢糧之累又無火藥器械之儲  
且重此銅章為

國惜身議圖恢復未晚也強拉余赴山寨中約住月餘  
以七月初九日入城亟築內城砌雉堞立四城樓關  
東西二門招集士民各葺舊業歷任五年凡創建學  
宮神祠公署衙門增城濬池之役皆次第舉民居房

卷之首

舊序

九

舍亦次第修氣象且一新矣先是詢問志書焚燬庚  
辰秋方得之興安劉上舍家中屢欲修刻其如兵荒  
游至日不暇給何壬午春謀之紳士倣舊志而刪潤  
之徵文徵獻猶有存者余實幸焉至於恢復苦衷心  
血皆枯鬚髮為白勞怨固所不避升沈又何足言惟  
有日夜兢業保固封疆撫恤士民愈加奮勉上以答  
朝廷守土之責下以抒生平効職之忱庶乎遠叱馭初  
心入城宏願云爾耐煩二字始之終之比於韋弦每  
竊嘆曰此王公之所以謂余矣

舊叙八

康熙丁卯  
冬知縣 趙世震

余甲子春受古金州之漢陰皇輿記云土瘠民貧為最下下區噫昔人云沃土之人不材獨奈何以不材如我而蒞此瘠土耶雖然親民之任莫切於令長導朝廷之澤以被於下求黎庶之瘼以聞於朝私謂藁爾山城而繭絲保障之界寧不凜然於是束裝就道踰固關渡滹沱經華岳歷終南之險履雲棧之危沐風櫛雨加以長途霖雨馬蹄蹙蹙意思頓覺無聊比入境荒涼萬狀更甚於所聞因自念百里生民之寄敢

卷之首

舊序

十

作秦越人視哉由是夙夜焦勞廣諮利弊三載以來民困漸蘇民力漸舒起廢補墜已次第舉行嗟嗟吏治至今日亦云極難矣恃有各憲皆實以聖賢之心行聖賢之政正已率下時時以忠君愛民之道慤慤誥誡鵠面灾黎余得藉以培養不可謂非遭逢之幸也今我

皇上審四方之俗觀疆土之宜纂修一統全志因亟欽承為事稽諸原志自明崇正壬午臨城張君重修距今已四十餘載舊籍散失原板毀燼人事之代謝戶口

之凋殘不知凡幾昔之人文全盛士大夫宣猷植節  
為銓衡重地者有人伐鼓建幟為藝壇雅望者有人  
邇且奚若昔之俗尚樸實物阜民安浸且逆變流離  
併戶併家百不存一誠為關南極苦之地近沐

皇仁普育蠲荒免課屢邀

曠典顧異量恩波又豈數數觀耶是以寥寥不遺稍有  
起色在昔孔子歎杞宋之無徵而曰吾志在春秋志  
固已事之書實未事之鑑媿余才暗識疎操刀學割  
修廢之事實為殷然所恃邑之紳若衿廣諮博採羣

卷之首

舊序

士

聚增修積有百日新志於焉告成嗚呼志書僅簡帙  
耳使敷政無人不其開卷躍然掩卷凄然目此書為  
夢境哉雖然按圖索驥不可謂非後起者之功臣也  
是為序

舊叙九

康熙丁卯  
冬刻 白爾珍

往丙辰夏余橐筆行間隨圖公四征不庭次第平復  
關南悉成寧宇公因念予書記微勞授予漢陰一毡  
甫蒞任時但見學宮鞠為茂草衙舍頽然數間而是  
日之士若民死不可問曩時之盛與衰亦無從考詢